

岐山縣志

一函
六冊

建置第二

岐山縣志卷二

岐之今治始於唐貞觀中

詳見沿革

則城池官署之屬應多唐建然

歷代廢興多不可考而唐之設官於岐與金元前明又代有增

減舊志於無考者皆曰唐武德四年建則因述建縣之訛而無

不訛也

通鑑綱目註武德中移治龍尾城舊志誤爲今治餘見沿革

今獨志其可據與增建

者及所置鄉里市鎮附焉

城池唐貞觀中始建

舊志武德四年誤

元以前修築無考至元二十五

年重修周圍五里零一百二十步高二丈五尺厚如之城形東

北隅突出四十步西南隅縮入數百步上女牆高五尺垛口一

千三百有奇池深二丈濶三丈東西門相距二里零一百五十

步門各有樓

舊志舊有角樓八座號八觀嘉靖時地震圯

明景泰時知縣王澤增修

宏治四年知縣榮節創開南北二門尋閉正德時知縣王之隣增開外東西二門嘉靖初知縣趙進增修東西二郭城各周圍二里許嘉靖三十四年地大震城圯知縣令狐一豸重修三十九年知縣韓廷芳增築敵臺二十四座萬歷二年分巡僉事梁許檄知縣楊以漸增高九尺厚加一丈五尺五年知縣李敦信八年知縣劉正言相繼增修易梁以磚十八年知縣于邦棟增修北城高加五尺厚六尺三十七年知縣韓僉可開南門尋又

閉崇正十一年知縣張名錄重修匾東門曰鳴鳳西門曰懷邠
國朝順治五年知縣趙鏡修敵樓十四年知縣王轂因城內
少居民難於守禦詳允在城內築圍牆一所以衛倉庫監獄康
熙四十一年知縣李經文復開南門匾曰阜民乾隆十八年知
縣劉度昭重修四十四年署篆郭履恒復開北門匾曰鳳鳴改
匾東門曰朝陽

縣署在城南街疑亦貞觀中建元泰定間重修陳德亨有記
今記
無考明洪武初知縣陳元禮增修宏治四年知縣榮節萬歷十八
年知縣于邦棟崇正二年知縣王之瓚

國朝順治五年知縣趙鏡乾隆二十八年知縣孟玫三十八年

暨四十二年知縣平世增俱重修今大門三楹舊志大門譙樓一座高一丈五

尺延袤俱五丈磚砌立臨街木牌坊一座舊志舊書西伯舊治

重樓左鼓右鐘今俱廢歷十九年知縣于那棟重修移置今處明知縣楊爾中建萬

年知縣趙鏡重修更書文王治岐今仍書西伯國朝順治五坊東西

有申明彰善二亭街南為照壁大門左內為寅賓館于那棟建

三年知縣右為土地祠舊在東于儀門三楹東西角門各一楹

孟玫重建內甬道中舊有正堂三楹舊匾曰忠愛卷棚三楹俱知縣孟

戒石亭今圯舊有贊政廳三為禮戶倉等房西為吏房舊為及承發兵刑

架閣工屯糧等房北為尊美堂五楹舊名西楹為庫舊在正又

北爲知縣宅宅後有磚砌層樓一座名凝紫樓康熙六年知縣李昌期建有記

典史署在縣堂西乾隆四十年典史林泰滾增修

舊有縣丞驛丞解在縣堂

東主簿解在縣堂西今俱裁廢其南爲獄

常平倉在縣署儀門東明宏治九年知縣楊智建

舊志名預備倉萬歷

十九年知縣于邦棟增修列天地黃卯字東宇西六廩每廩三

楹

國朝雍正七年知縣任懋華續建子丑寅卯四廩乾隆六年任懋華又增建辰巳午未申酉戌亥八廩每廩亦三楹新舊共五

十四楹額貯折合京斗穀五萬石

內原額京斗穀四萬石乾隆三十二年代買府倉京斗麥

五千石折合京斗穀一萬石每年出陳易新存七出三設立斗級四名每年支口食銀二十兩在存留項下動用

社倉凡十有六處共計房七十二間在城內正街太平寺者五

間

額貯京斗穀一千三十石五斗三升九勺

在縣東者益店鎮五間

額貯京斗穀九百五十六

石八斗七升七合八勺

駙馬庄五間

額貯京斗穀五百八十石九斗二升四勺

在東南者棗

林鎮五間

額貯京斗穀五百八十二石二斗二升九合一勺

合龍寺五間

額貯京斗穀一千二百七

十石五斗二升八勺

在縣南者高店鎮五間

額貯京斗穀一千一百六十石一斗八升四合七勺

蔡家鎮五間

額貯京斗穀五百四十石六斗四升一合

興福寺五間

額貯京斗穀一千九十八

石六斗四升九合五勺

曹家寺三間

額貯京斗穀五百四十九石二斗六升

在西南者安化

寺三間

額貯京斗穀七百一石七斗四升一合

董家務五間

額貯京斗穀一千一百二十六石三斗二

升九合

在西北者鳳凰寺五間

額貯京斗穀七百三石六斗四升七合二勺

在東北

者楊家庄五間

額貯京斗穀一千八百七斗四升五勺

禹王廟三間

額貯京斗穀五百五十七

石二

陳家庄三間

額貯京斗穀六百四十八石三斗五升四合二勺

青化鎮五間

額貯京斗

穀一千三百三十三石七斗四升六勺

共額貯京斗穀一萬二千六百七十七石

八斗五升二合八勺

內原買穀一萬一千七百七十九石九升五合七勺捐貯穀八百九十八石七斗五

升七合一勺

每年出陳易新存半借半照例一分行息倉正副

二十四名每年共支口食穀一百四十四石在息穀項下動用

乾隆三十八年奉文每逢出借之年按照徵收息穀之多寡酌量支給

學署在城南門內疑亦真觀中建宋雍熙間重修金末燬於兵

元至元二十八年縣尹張蕩古教諭趙逢吉千夫長張璽重建

有記明洪武四年縣丞沈以德主簿呂通景泰六年知縣張緒宗

俱重修有記宏治四年知縣榮節正德十三年署縣事教諭王治

俱重修嘉靖三十四年地大震堂舍傾壞至三十九年知縣令

狐一豸重修萬歷十九年知縣于邦棟

國朝順治五年知縣趙鏡十四年知縣王轂教諭王業隆訓導

李玉品康熙二十二年知縣茹儀鳳教諭劉恂訓導吳佐明雍

正十二年知縣任懋華教諭王承曾訓導李國寧乾隆四十四

年署知縣郭履恒教諭蔣兆甲訓導張庸禮俱重修

有碑記在學署大

門三楹內有泮池

池上舊有亭坊匾額今廢

儀門三楹

舊有東西角門

明倫堂三楹

舊五間堂前舊有博文約禮二齋各五間西有射圃亭今廢

後為敬一亭三楹

乾隆四十一年移建稍北

內為教諭宅左為訓導宅

鳳鳴書院本乾隆四十一年知縣平世增所建金川凱旋公署

在東街文昌祠右大門五楹講堂三楹內外東西學舍共十二

楹上房五楹堂東廚房三楹西茶房二楹四十四年署知縣郭

履恒以岐邑書院久闕公署空存因改置焉又置書院師生修

金膏火生息銀四千兩田六頃三十四畝零有記

按舊志有文憲書院在周

公廟東崖下崇德書院在縣治西後改為文明書院三王書院在東郭外三公書院在西郭即今下周公廟又社學三間在東

察院東俱久廢○記云夫邑令之所司政教而已矣政以愛人
爲重而教以課士爲先此書院之設所不容已也岐山爲周室
舊邦其人文蔚起代有殊尤顧近茲以來不特靄吉之稱弱於
隆古卽科名之盛亦遜於前代豈生質之多不美耶講畫無其
人習肄無其地固無由造而成之使錚然以名於世也子夏曰
百工居肆以成其事管子曰四民者勿使雜處聖王處士使就
閒燕蓋不閒燕則言必訛事必易不居肆亦未有專精深造以
成其業者余於戊戌之夏來蒞茲土觀邑中生童所造嘆其質
美而未學也卽捐俸延師擇地於南門內之藥王廟中聚而講
讀焉越明年將以前令平君世增所建金川凱旋之公署取鳳
鳴朝陽之義改設爲鳳鳴書院因復捐廉金四百以倡其事而
邑之紳士樂助者醵金得三千有六百計所入之息分師生之
用部署旣周爰進紳士而告之曰事有難舉而易廢者不可不
慎乃永圖也岐之書院昔固有崇德文憲之名矣今求其破瓦
頽垣無復存者其故何歟或經官吏之手不免侵漁或無專責
之人中多委謝皆當思弊而預防之斯舉也經之營之余始其
事而仍俾岐人之正直者分理之歷有歲年當各舉其人以更
理之凡所出入掾記其數而無所得專若是而猶有廢焉者岐

人之負我卽岐人之負岐人也議既定白其事於上官上官皆可之爰又進紳士而告之曰士者四民之首也書院之設豈第爲科名計哉將使士氣蒸蒸日上人才輩出可以爲國家棟幹之材可以爲風俗人心之表如詩所云王多吉士以迺應朝陽鳴鳳之祥安見今之岐下不猶古之岐下耶於是紳士請余爲之記以壽諸石余維承乏是邑實代平君之治凡平君之所得爲者余誼得爲之廟學重新北門復啟皆其分也書院之地爲平君所建卽以爲平君之惠爾岐士焉可也佐余謀者學博蔣君兆甲始膺分理者邑紳士蔡君毓章吳君江郭君百祥宋君應奎王君遇銓及諸生梁子必遇也其師生修脯膏火之條目助金多寡之姓氏例得脩書碑陰以垂不朽云

大公館在文廟西

按舊志縣治東有東察院東中察院西有西察院西中察院今之大公館疑卽東察院也

餘俱

廢西連者爲小公館乾隆三十六年知縣歐煥舒建

陰陽學

醫學舊基俱在縣泊大門外今無考

僧會司在太平寺

道會司舊在清和觀

卽老君庵

今在城隍廟

養濟院在城西門外知縣馬會改龍王廟廢址建前後房八間
漏澤園在東郭門外關帝廟北路旁有碑

營備駐防把總一員舊無署賃居城內民屋馬戰兵九名守兵
五十七名盛甲刀鎗弓箭炮位火藥俱在府庫存貯每年出陳
易新

演武場舊在縣西南三里計地三十畝明嘉靖三十五年建鄣

人王太史九思有記記無考四十三年知縣馬會移置於西郭外

路南地仍三十畝周圍垣墻中建閱武堂三楹北向將臺一座

大門一楹萬歷十九年知縣于邦棟改建閱武堂南向增修卷

棚厨役房照壁又於西北隅創建三公廟取周公張皇六師召公克詰戎兵太公鷹

揚奮勇之義今地基尙存門堂俱廢

舖舍在城總舖舊在縣大門西知縣于邦棟建今無定所城東

十五里爲魯班舖又東十五里爲益店舖抵扶風路城西十里

有尹家舖抵鳳翔路額設舖司兵一十四名舊志縣東南二十里有鞏寺舖路通

郿邑乾隆十年裁廢

驛站岐周驛舊在縣治北正街元泰定二年建明末燬於兵

國朝順治十四年知縣王穀詳允移置縣署東卽今廐也舊建

僅馬神廟及東西馬房乾隆四十一年知縣平世增增修廟前

卷棚戲樓原額馬一百二十四匹馬夫六十名除歷年奉文裁減

撥協外實在馬五十四匹縣馬五匹馬夫三十名半

坊表三世大夫坊爲布政使梁建廷建在城內西街兩世御史

坊爲御史曹遲建在城內東街烈女坊爲李小圓建在城內太

平寺門西

按舊志所載東察院東有貞度坊西察院西有肅察坊又廟前左右有崇儒重道二坊東什字口有岐陽

公署坊西什字口有周原舊邦坊俱知縣于邦棟建進士坊凡一十八座爲侵毓等十八人建又有解元都諫豸繡凌雲雲程

奪標登瀛雲梯觀光文魁鳳池接武步雲鍾英附翼跨鰲攀鱗
飛騰榮科登俊實賢聯芳奪錦奎光重光孝行貞節贈御史少
方伯都御史鳳鳴朝陽鵬化天池鵬搏霄漢奎壁聯輝麟鳳呈
祥贊理藩垣藝苑蜚英銜藻鏡等坊共六十二座今俱無考

橋梁東門橋在東城門外西門橋在西城門外南門橋在南城

門外

乾隆十年被水冲圯
耆老江異捐貲重建

潤德橋在西郭門外

國朝順治十三年知縣王轂重建有商民便之

舊志因潤德泉
流入故名今按

城北二里許有橋曰水橋上有石渠係
引潤德泉水入城所經之處舊志恐誤

魯班橋在縣東十五里明宏治七年知縣楊智創建俗以艱險

難成因以魯班名之嘉靖二十六年知府劉素委官重修尋亦

廢壞隆慶四年耆老楊孝誠捐貲重修十餘年復圯萬歷十八年知縣于邦棟捐俸重建更名隆輔橋後亦圯

國朝乾隆二十八年武生郭迎祥益店里民賈行寬各捐貲五百兩又募貲千餘兩重建石橋仍名魯班

龍尾溝橋在縣東二十里龍尾鎮東乾隆四十三年郡庠生張承宗山西監生陳九苞各輸貲募建石橋

周邱橋在周公廟西路通鳳翔

廣惠橋卽鄭家橋在縣東北十五里明萬歷十八年知縣于邦棟建